

太平寰宇記

第十冊

太平軍年記

卷十

太平寰宇記卷之三十四

關西道十

邠州

寧州

邠州

邠州

新平郡理
新平縣

禹貢雍州之域古西戎之地本周公

劉所居故詩謂豳

邠字同

國公劉卒子慶節復立于

此古顓頊之墟秦併天下屬內史漢為右扶風北

地安定三郡地後漢興平元年分安定之鶉觚右

扶風之漆置新平郡理漆縣徐廣注漢書云新平

漢之漆縣地以漆沮之水在焉縣東北有古邠亭

卽古之枸邑也歷魏晉同之晉武帝分漆縣置邠
邑縣苻秦時改漆取郡名爲新平縣姚萇亂郡縣
皆廢後魏大統十四年分涇州之新平縣置南豳
州以北別有豳此爲南廢帝三年廢北豳州此遂
去南字後周因之隋開皇三年于今州西南十里
陳陽原上移白土縣入州城中四年又改爲新平
縣大業二年省豳州以縣屬寧州其年又改寧州
爲豳州三年改豳州爲北地郡以其地屬安定北
地二郡至義寧二年割北地之新平三水二縣置
新平郡復後漢末舊名唐武德元年改爲豳州復

西魏舊名二年分新平置永壽縣貞觀二年又分
新平置宜祿縣開元十三年以幽字與幽相涉改
爲邠字天寶元年改爲新平郡乾元元年復爲邠
州至皇朝爲靜難軍節度

元領縣五

今四

新平

三水

宜祿

定平

盛州割到

一縣割出

永壽

州入乾

州境

東西二百里

南北一百里

四至八到

東至東京一千五百三十二里

東南至西京一千一百三十二里

東南至長安二百八十二里

若至奉天縣一百三十里

東至坊州三百二十五里

北至靈州一百九十里

西至涇州一百九十里

西南至鳳翔府一百六十二里

東南至坊州三百一十五里

西北至涇州三百一十五里

戶

唐開元戶一萬九千四百六十一

皇朝戶主一萬四千一百一十二客五千七百八十五

風俗

漢書云公劉處豳其人有先王遺風好稼穡務本業故豳詩言農桑衣食之本甚備焉其俗勇力習戰備居戎狄處勢使之然天水隴西安定頗同也

姓氏

新平郡三姓 古附異

人物

李育

習公羊春秋為同郡班固所重為尚書令

唐侯君集

三水人上將軍反伏

誅

土產

蜜

蠟

麻布

羊

馬

麀

鹿

葷豆

鐵

器

漢于漆縣置鐵官

甘草

貢剪刀

火筋

新平縣

舊十七鄉今十鄉

本漢漆縣屬右扶風建武八年隗

囂率眾攻畧陽上至漆進止未定會馬援夜至上

喜問之援聚米以為山谷於上前指軍以所從入

上笑曰虜在吾目中矣遂進兵姚萇之亂郡縣不
立後魏于今縣西南置白土縣屬新平郡隋開皇
三年罷郡于今州城中置豳州四年改白土縣爲
新平縣大業二年省豳州入寧州義寧二年復爲
新平郡唐武德元年以新平郡又爲豳州縣屬焉
五龍原原側有五泉出水因以爲名 漆水按
酈道元注水經云漆水自宜祿縣界來又東過扶
風漆縣北以水經驗之卽邠州所理是也漢志注
云漆水在縣西今縣西九里有白土川水東北流
白土原東陳陽原西又東北流注于涇水或恐白

土水是漢之漆水但古今異名耳今鳳翔府東北
一百六十里麟遊縣東南亦有一漆水南流與杜
陽水合非漢之漆水也故舉此以明之 爰得城
漢書地理志云爰得縣屬安定郡後漢省卽此城
也 苻堅墓十六國春秋苻堅建元二十一年堅
至五將山姚萇將吳忠圍堅堅眾奔散神色自若
召宰人進食俄而忠至執堅以歸新平幽之萇求
傳國璽于堅曰萇次膺符麻可以爲惠堅瞑目叱
之曰小羌乃敢陵天子豈以傳國璽授汝羌也圖
緯符命何所依據五胡次序無汝羌名璽已送晉

不可得也。莫乃縊堅于新平佛寺。時年四十八。
橐邱堡在縣西十八里。東西南三面石坡峭峻。高
十丈。北面築城高二丈。唐武德二年置。貞觀元年
廢。

三水縣

東北六十里舊十鄉今十二鄉

漢舊縣屬安定郡以縣界

有羅川谷三泉並流爲名。今縣東北二十五里。邠
邑原上有栒邑故城。卽漢理所。魏改三水縣爲西
川縣。仍舊屬。後魏初于今縣西二十八里置三水
縣。復漢舊名。屬新平郡。大統十四年移縣于今邠
州西北十五里白馬堡。隋開皇三年移理于今邠

州三里新平故郡城大業元年自故郡城移于今
理唐武德元年以新平郡爲幽州三水縣屬焉元
和十二年移縣于隴堡下舊城初大厯中吐蕃焚
縣城又移堡上後人民不便爲邠帥郭釗所請復
移下之 三水出寧州羅川谷有三水並經郡界
馬嶺山俗名箭筈嶺抵慶州界有馬嶺水出焉
翟道山一名子午山 華池女郎山並在郡邑
洛源洛水源出女郎山 石門山王褒雲陽宮
記東北有石門山岡巒糾紛千霄秀出有石巖容
數百人甘泉賦云封巒石關池以音靡虜連屬 柸

邑故城在縣東二十五里卽漢桐邑屬右扶風有
幽鄉應劭注曰左傳畢原酆郇文之昭也郇侯賈
伯伐晉是也漢爲縣 古幽城地在縣西南三十
里有古幽城在隴川水西蓋古公劉之邑卽此城
也國都城記幽國者后稷之曾孫曰公劉始都焉
幽國名也與故桐邑城相去約五十餘里漢志注
云幽鄉是也

宜祿縣

西八十里
依舊入鄉

本漢鶉觚縣也周地圖記云後魏

孝明熙平二年析鶉觚縣置東陰盤縣廢帝元年
以縣南臨宜祿川又改爲宜祿縣屬趙平郡隸涇

太平寰宇記 卷之三十四 九
州 鶉觚原一名淺水原 宜祿川水一名芮水

西自涇州鶉觚縣界流入周禮職方氏雍州其川

涇汭水經注云汭水又東經宜祿縣俗謂之宜祿

川水 芹川水經注云出羅川縣子午山一名子

午嶺東流經宜祿縣北過卽此水也 廢鶉觚縣

在縣西四十里按周地圖記鶉觚縣者秦使太子

扶蘇及蒙恬築長城見此原原高水淺因欲築城

遂以觚爵奠祭乃有鶉鳥飛升觚上以爲靈異因

以名縣漢書地理志云後漢永建四年屬涼州石

勒改爲趙平郡建武十年涇州東南置趙平郡此

縣遂廢 廢陰盤縣□□按漢書武帝元鼎元年
立陰盤縣屬涼州靈帝末徙于新豐其縣遂廢
折墟城唐武德元年薛舉寇涇州屯兵于新安縣
折墟城太宗親征相守六十餘日會舉死其子仁
杲統其眾并羌胡十餘萬來挑戰上遣總管龐玉
自淺水原南出賊之右因高而陣上率大兵自原
北出其不意斬首萬餘級賊大潰仁杲懼而請降
俘其精兵萬餘人男女五萬口故城猶在今縣北
五里 長武城在縣西五十里隋開皇中築在涇
河南岸唐武德初廢大厯初郭子儀置兵以備西

戎 廢淺水縣在縣北五里後魏大統十四年廢

定平縣 北六十里舊四鄉今六鄉 本漢泥陽之地後漢不改又為

獨樂縣今縣東北三十里獨樂故城是也後魏及

周並為安定郡隋大業十年于此築城置棗社驛

唐武德二年于驛城分置定平縣仍移于今所唐

末喪亂曾為衍州周世宗顯德五年廢為定平縣

隸邠州尋屬寧州皇朝又隸邠州 五柞亭續漢

書云泥陽縣有五柞亭是也

寧州

寧州 彭原郡今理定安縣 禹貢雍州之域古西戎地公劉邑也

周時爲義渠戎國史記匈奴傳云夏道衰而公劉失其稷官竄于西戎邑于邠至秦穆得由余西戎八國服于秦岐梁山涇漆之地有義渠大荔烏氏胸衍之戎在此地其後義渠之戎築城以自守而秦稍蠶食至于惠王拔義渠二十五城秦昭王時殺義渠戎王子甘泉遂起兵伐殘義渠于是秦有隴西北地上郡築長城以備胡秦本紀惠文君十一年縣義渠暨秦并天下是爲北地郡漢爲泥陽縣之地亦爲北地上郡二郡之地後漢兼屬安定按顧野王輿地志云漢末北地郡但有泥陽富平